



Særutskrift

Arkivsak-dok. 20/00052-16
Saksbehandlar Aaslaug Søreide

Særutskrift - Høyring: Forskrift om folkevalde sin rett til godtgjering og velferdsgoder i Aukra kommune

Saksgang	Møtedato	Saknr
1 Formannskapet	23.03.2020	23/20
2 Kommunestyret	02.04.2020	21/20

Formannskapet har behandla saka i møte 23.03.2020 sak 23/20

Møtebehandling

§9 og §10 vert redigert som følgjande:

Dei tre siste ledda i § 10:

«Avtroppande ordførar som går over i anna arbeid, får etterløn i 1,5 månadar. Retten til ettergodtgjering vert avkorta mot annan inntekt etter reglane i kommuneloven § 8-6 andre ledd.

Ein søknad om ettergodtgjering vert behandla av kommunedirektøren.»

vert flytta til § 9, etter leddet «Ordføraren skal ha fri telefon.»

Votering

Tilrådinga frå kommunedirektøren vart samråystes vedtatt.

Formannskapets innstilling

- 1) Kommunestyret legg forslag til Forskrift om folkevalde sin rett til godtgjering og velferdsgoder i Aukra kommune ut på offentleg høyring. Høyringsfristen vert sett til 10. mai 2020.
- 2) Forskrifta vert lagt ut på kommunen sin høyringsportal, samt sendt til råd og utval for høyring.

Kommunestyret har behandla saka i møte 02.04.2020 sak 21/20

Møtebehandling

Kommunestyremedlem Oddvar Hoksnes (KrF) satt fram følgjande forslag:

Høyringsfristen endres fra 10.5. til 15.5.20 for at Kontrollutvalget kan ha en sjanse til å komme med innspill, i møtet den 12.5.

Kommunedirektøren endra tilrådinga: Høyringsfrist vert endra frå 10.5. til 15.5.2020.

Votering

Tilrådinga frå kommunedirektøren vart samråystes vedtatt. Høyringsfrist vert endra frå 10.5. til 15.5.2020.

Kommunestyrets vedtak

1. Kommunestyret legg forslag til Forskrift om folkevalde sin rett til godtgjering og velferdsgoder i Aukra kommune ut på offentleg høyring. Høyringsfristen vert sett til 15. mai 2020.
 2. Forskrifta vert lagt ut på kommunen sin høyringsportal, samt sendt til råd og utval for høyring.
-

Høyring: Forskrift om folkevalde sin rett til godtgjering og velferdsgoder i Aukra kommune

Kommunedirektøren si tilråding:

1. Kommunestyret legg forslag til Forskrift om folkevalde sin rett til godtgjering og velferdsgoder i Aukra kommune ut på offentleg høyring. Høyringsfristen vert sett til 10. mai 2020.
2. Forskrifta vert lagt ut på kommunen sin høyringsportal, samt sendt til råd og utval for høyring.

Bakgrunn

Aukra kommune sitt Reglement for godtgjersle for kommunale ombod i Aukra kommune, vart sist vedteke den 27. august 2019.

I samband med ny kommunelov, sendte Kommunal- og moderniseringsdepartementet ut eit brev til kommunane datert 4. desember 2019, der dei presiserte at kommunen skal gi forskrift om folkevaldes rett til dekning av utgifter og økonomisk tap, arbeidsgodtgjering og permisjonar. Ny kommunelov krev at reglar om folkevalt si dekning av utgifter og økonomiske tap, arbeidsgodtgjering m.m. vert utforma som forskrift, med dei krava til forskrifter som følgjer av forvaltingslova.

I Kommunal- og moderniseringsdepartementet (KMD) sitt brev av 4. desember 2019 (sjå vedlegg 2) heiter det:

«Kommunestyret og fylkestinget har også tidligere fastsatt regler om dekning av utgifter, økonomisk tap og arbeidsgodtgjøring etter kommuneloven av 1992 §§ 41 og 42. Det som er nytt, er at reglene skal ges som forskrift. Det betyr at kravene til forskrifter i forvaltningsloven skal være oppfylt. Forvaltningsloven stiller blant annet krav til hvordan forskrifter skal utformes, at de skal høres og at det gjelder særlige krav til kunngjøring for at kommunene og fylkeskommunene skal kunne påberope seg reglene. De folkevalgte økonomiske rettigheter kan ikke lenger reguleres i reglementer som har en litt løsere ramme når det gjelder saksbehandling og utforming. Det er også nytt at kommunestyret eller fylkestinget selv skal gi forskrifter om ettergodtgjøring og permisjoner».

Om kravet til høyring vert det vist til forvaltningslovens § 37, kor det står følgjande:

«§ 37.(utredningsplikt, forhåndsvarsling og uttalelser fra interesserte).

Forvaltningsorganet skal påse at saken er så godt opplyst som mulig før vedtak treffes.

Offentlige og private institusjoner og organisasjoner for de erverv, fag eller interessegrupper som forskriftene skal gjelde eller gjelder for eller hvis interesser særlig berøres, skal ges anledning til å uttale seg før forskriften blir utfordiget, endret eller opphevet. Så langt det trenges for å få saken allsidig opplyst, skal uttalelse også søkes innhentet fra andre.

Forvaltningsorganet bestemmer på hvilken måte forhåndsvarslingen skal foregå og kan sette frist for å gi uttalelse.

Forhåndsvarsling kan unnlates forså vidt den:

- a) ikke vil være praktisk gjennomførlig, eller
- b) kan vanskelig gjøre gjennomføring av forskriften eller svekke dens effektivitet, eller
- c) må anses åpenbart unødvendig.

Uttalelser skal ges skriftlig. Forvaltningsorganet kan i den enkelte sak samtykke i at uttalelse ges muntlig. Når saken egner sig for det, kan forvaltningsorganet bestemme at forhandlinger om saken skal foregå i møte.»

Om krav til utforming av forskrift seier forvaltningsloven § 38:

§ 38. (formkrav og kunngjøring).

En forskrift skal:

- a) inneholde en uttrykkelig henvisning til den eller de bestemmelser som gir forvaltningsorganet hjemmel til å utferdige forskriften, og en henvisning i samsvar med EØS-høringsloven § 12 hvis forskriften inneholder tekniske regler i henhold til nevnte lov.
- b) nevne det forvaltningsorgan som har gitt forskriften;
- c) kunngjøres i Norsk Lovtidend;
- d) i kunngjøringen betegnes som forskrift.

Når praktiske hensyn gjør det hensiktsmessig, kan kunngjøringen begrenses til en kort omtale av forskriften med opplysning om hvor teksten kan fåes eller finnes».

Vurdering

I gjeldende reglement er det fastsatt satsar for møtegodtgjering og fast godtgjersle, samt dekking av økonomisk tap. Reglementet har også tatt med reglar for sosiale rettar. Det er ikkje føreslått endring av satsane som vart vedteke i august 2019, då desse nettopp har vore til behandling.

Forslag til presiseringar og endringar frå kommunedirektøren:

Endring	Kommentar til endringa
§ 1 Føremål	Tidlegare «Innleiing» i reglementet. Første og andre avsnitt i innleiing er flytta til § 3 avsnitt 3 og 4. Her vert føremålet til forskrifa tydeleggjort, men i realiteten same tekst som i reglementet.
§ 2 Verkeområde	Nytt punkt i tråd med formkrav til forskrift
§§ 3-20	§ 3-16: Erstattar kap. 1-4 i, samt vedlegget i reglementet. Satsane er ikkje endra. <ul style="list-style-type: none">- § 3 erstattar i all hovudsak pkt. 1.1 i reglementet med nokre endringar i formuleringane.- §§ 4 til 16 erstattar pkt. 2.1, 2.6, kap. 3 og 4, samt vedlegget til reglementet. §§ 17-20: Tidlegare kap. 5 og 6 i reglementet De vil oppleve at det er gjort endringar i enkelte formuleringar, men det er gjort i tråd med kommunelova og anbefalingane frå KMD. Folkevaldopplæringa er teke inn som ei presisering til § 8 f. Møtegodtgjersle vert ikkje utbetalt. Ytterlegare presiseringar:
• § 11 Retten til sjukepengar	Dette er nemnd i reglementet under pkt. 2.2, men er presisert ytterlegare i forskrifa i tråd med kommunelova.
• § 12 Permisjonar	Dette er nemnd i reglementet under pkt. 2.2, men er presisert ytterlegare i forskrifa i tråd med kommunelova.
• § 13 Rettar ved yrkesskade	Nytt punkt i forskrifa i tråd med kommunelova.

• § 14 Pensjon	Dette er nemnd i reglementet under pkt. 2.3, men er presisert ytterlegare i forskrifta i tråd med kommunelova.
• § 15 Ettergodtgjering	Dette er nemnd i reglementet under pkt. 2.4, men er presisert ytterlegare i forskrifta i tråd med kommunelova.
• § 16 Feriepengar	Dette er nemnd i reglementet under pkt. 2.5, men er presisert ytterlegare i forskrifta i tråd med kommunelova.

For å oppfylle kravet til høyring blir foreslått at kommunestyret legg forskrifta ut på høyring. Forslaget vil også bli gjort kjend for innbyggjarane via kommunen si heimeside.

Det blir lagt særskild til rette for at råd, utval og dei politiske partia som er representerte i kommunestyret får høve til å uttale seg om forslaget. Forskrifta kan behandlast i ordinært oppsett møte.

Administrative konsekvensar

Ingen

Folkehelsekonsekvensar

Ingen

Økonomiske konsekvensar

Ingen

Ingrid Husøy Rimstad
Kommunedirektør

Særutskrift

Vedlegg

Forslag til Forskrift om folkevalde sin rett til godtgjering og velferdsgoder i Aukra kommune

RETT UTSKRIFT
DATO 3.april.2020